

Hieuo geburt Irer Curfürstlich Durchlaucht $\frac{2}{3}$ vnd dero Preuwerwaltern
zu seiner Nuzung genedigist $\frac{1}{3}$, thuet Irer Curfürstlich Durchlaucht
Gebür 1111 fl. 40 kr.

Alweilen aber dauon dem hieigen Casstner, Cristophen Paurn,
jerlich an statt vnd wegen seines protentierten [sic]¹⁶¹ Claindiensts¹⁶²,
so hieuo ainem jeden Castner von der dahin vrbars gewesten,
aniezt aber aigenthumblich zu höchstgedacht Irer
Curfürstlich Durchlaucht Preuwesen gezogenen Stattmül jerlich 4
Preu Trebern, dann der Frau Freymanin Wittib von
Randeckh wegen des Tribs iber ire Wißmater zu
Abfürung des langen Preuholz von den Köckhischen Gehilzen¹⁶³ 1
Preu [Treber], dann dem Herrn Pfleger alhie, Hannß Ludwig von
Kinigsfeld etc., vmb vnd von weegen des eingefangnen Plaz
von seiner Pfleg- oder Ampts-

[fol. 51r]

wisen, negst am Preuhaus gelegen, zur Holzlag jerlich 5 Preu [Treber],
vnd Andreen Vrfahrer, Preugegenschreibern, zur Addition
jerlich 6 Preu Trebern vnd vergangnen Jars vnder Aufnemung
der Rechnung vf sein vndertheniges Anhalten noch 6, in allem
12 Preu Trebern genedigist verwilligt vnd geben worden, thuet
jnnen sambtlich 22 Preu per $3\frac{1}{2}$ fl., thuet 95 fl., so von obiger
Summa der 1111 fl. 40 kr. defalciert¹⁶⁴, verbleibt hieriber Jrer
Curfürstlich Durchlaucht, Vnnserm genedigisten Herrn noch

1016 fl. 40 kr.

[fol. 51v]

Einnamb an Gellt vmb verkhaufft Ganz vnd Halbe Viertlvaß

Diss Jars seyen 51 Ganze Viertlvaß *per* 1 fl.,
130 Ganze *per* 48 kr. vnd 30 Halbe Viertl,
12 *per* 45 kr. vnd 18 *per* 36 kr., verkhaufft
vnd das Gellt darumben eingenommen
worden, laut der Vaßrechnung

174 fl. 48 kr.

¹⁶¹ „prätendieren“: Anspruch erheben, fordern.

¹⁶² Hier: Abgabe, sh. die historischen Anmerkungen 1614-1623, *Stadtrecht / Landesherrliche Rechte*.

¹⁶³ Wie RB 1624, S. 66, Anm. 99.

¹⁶⁴ „defalcare“ (lat.): abrechnen, etw. von etw. abziehen.